

永寧縣志卷之二

永寧縣知縣賴能發輯

建置志第二

公署
舖舍

儒學
儲蓄

城池
存恤

坊表

橋梁

善建不拔置安則安大而天下小而家國俱不可無
建置豈郡邑而可忽乎寧邑自析置以來蒞茲土者
代多營造故規制備而品式昭其公署足以出政其
膠序足以儲賢其城池足以防守其坊表足以勵俗
利涉則有橋梁傳宣則有郵舍儲蓄有倉存恤有所
即孟氏所稱故國莫備於此若夫式前圖而新後規

永寧縣志

卷之二

公署

自令建者不隳置者不廢則有望於後之人矣志建
置

公署

夫有位以建政則民不慢有署以表位則體不褻
八則思嘉樹之蔭庇無窮出則念甘棠之剪伐可
晒公署之關於政體非細故也寧邑地瘠民貧物
力不克凡有興作從給而已故一應署館廨舍僅
蔽風雨欲如他邑之壯麗不能也然孟孫之室美
晏子之宅陋有位君子惟以道德為崇隆則宮室

雖卑何論乎

縣署元至正丙戌析置之初肇建於一保城下壬辰

兵燹改建於雅岡

即今縣治

正堂一所前為露臺為甬道左空地一塊直下廂房五間為吏戶禮總雜房右為臬財庫三間門首空地一塊直下廂房五間為兵刑工倉承發房又空地一塊儀門左右二間門外左為申明亭又空地一塊下為土祀祠右為監獄後空地三塊約寬一丈長五丈又門首空地一塊譙樓一座樓之下為

永寧縣志

卷之二

公署

二

縣頭門左右兩間為常平倉左右空地兩塊正堂之後為穿堂二堂一所左右兩間又內為縣廨共六間東西廂房各一間又書房二層各三小間在後堂之左又書房一層一大間在後堂之右又右為典史解前後兩層各三間廂房亦備又二堂左邊常平倉三十六間儀門外左邊倉一間南至官路北至城墻路東上至官路下至謝家祠西上至下至謝家園

升鄉寨巡檢司

舊在一保古城下

駐防營署 在城西街原係分司上
官公署今改為防營

僧會司

道會司

陰陽學

醫學

旌善亭 在城治東

申明亭 在縣治東

迎春亭 在縣東上雅岡今廢址存

演武亭 在縣北一里今廢址存

趙公亭 在縣北五里七谿嶺下路中謝君弼脩乾隆壬戌大水衝決蕩然無存戊辰邑令賴穆建

今地仍作塘汎撥營兵把守

三樂齋 係通邑舊倉基一五六保建此為諸生肄業之所每臨鄉講宣上諭于內

日望亭 在縣北去城十里七谿嶺頂上邑人謝君弼鼎建康熙年間邑令戴振河重修乾隆丙寅

永寧縣志

卷之二

公署

三

年邑貢陳命龍重修墜下有易飲泉新寧分界原有碑在此

思善亭 在七谿嶺永福菴前邑令戴振河建為施茶憇息之所

長湍亭菴 在縣西五里七保謝九臯建臯棄儒出家念自古城至縣十五里行人無憇息之地

因捐田建之名其亭曰停亭菴田是菴

迴碧亭 在六保縣西十五里邑令陸時雍建有碑

木村塘

趙公亭塘

迴碧亭塘 雍正年間奉裁

康王廟塘 雍正年間奉裁

儒學

記有之君子欲化民成俗必由學郡邑之建學由

來以矣至

國朝而尊崇之制倍隆前古五代追封三朝賜額
豈徒侈右文重道之名哉寧之有學建自前明宮
墻廟貌先後重新亦旣巋然輪奐矣若乃儒林崛
起樹三不朽以增光膠庠不無望於經義治事之
教焉

本縣儒學始建於明洪武五年邑令蕭文斌其基在
縣治西後邑令趙裕建兩廡十五年主簿朱厚增
修弘治三年邑令馬廷大新之王臣記正德嘉靖

永寧縣志

四

間邑令陸應時築館欽張節唐宗陶謝元光修
葺萬曆七年邑令倫天秩以舊學欠利改建縣治
左崇禎年間邑令陸起龍學訓鍾鳴時又改建今
地明末兵變灰燼無遺庚子年邑侯閔公士樟因
舊址復鼎建黉宮康熙癸丑年邑侯楊公顯宗鼎
建明倫堂及甲寅以後又遭兵毀邑侯陳欲達重
修之自癸亥至雍正丁未四十五年來及修葺殿
宇離披椽桷朽敗闔庠具呈邑侯張申詳
各上憲爰斂資通邑購民土而拓新之中建大成殿

前列露臺兩翼為東西廡次戟門次泮池
門東聖域門西賢關門立下馬石柱於二門之外
十年學師黃光旦倡修文昌閣今改尊經閣閣後
齋署一所十間正殿左為儒學門門外空地至大
街大街左邊原為謝志任兄弟房屋因形家云有
碍學門通邑用價五十兩買此屋拆毀永不豎造
契約現存修學首事正殿後左建崇聖殿廂房四
間右建龍亭宣講上諭右為明倫堂齋署八間居
其後堂西有虛受軒二間鄉賢名宦忠義三祠

永寧縣志

卷之二

儒學

五

其前節孝祠在名宦祠之後土地祠在

上諭門之左周圍紀以垣墻共計土二百三丈四
八寸邑侯張公曉有記附後

學田四碩一斗每年收租四十碩五斗內除元
十五碩實收二十四碩坐一保六江舊耕人唐
傑外魚塘三口學租倉屋二所坐六江

國初首倡通邑改建文廟有功名次附後

謝紹玄謝士鰲周諫獎謝采復謝君取謝錫翰

義學康熙乙未間邑令陸騰鶯買民房一所每歲取

民間俊秀子弟延師教誨在北門外計廳房共十間

儒學廩生二十名增生二十名附學生歲試每案文進八名武進八名府學文一名武一名科試文八名府學一名

城池

渠邱恃陋舊城不完春秋刺之幅員雖小嬰堞女墻恃壯屹而固疆圉所謂有備無患者也易言王公設險傳曰勇夫重閉因舊城而時葺焉以奠苞

永寧縣志

卷之二

城池

六

桑固本計誠捍禦之要圖也

元至正六年丙戌建城於一保十三年壬辰僞相周安據永新遣幕帥歐陽姓者來據永寧時值鄉寇汪道四亂掠之後舊署毀於兵火乃徙於今治築土城以爲守周圍四百丈廣七尺而崇倍之邑城之建始此二十五年乙巳明湯和討誅周安遣千戶陳英來縣治城防守成化十九年邑令李珩重修弘治三年邑令馬鉅修南門迎薰樓記見藝文正德十年邑令方坤因舊基而鼎新之疊磚石築

雉堞浚濠池而制始備嘉靖六年邑令陸時雍補
修城樓匾東門曰朝陽南門仍曰迎薰西門曰阜
成北門曰拱辰時典史朱昌督工自備酒米給賞
匠後十九年典史童世芳亦捐俸助修給匠作工
食如治家事民甚德之三十年知縣張節遷修北
門先是北門在舊學後形冢以北風衝背不利於
學乃遷今所又於門外易民塘基建玄極廟以塞
風口嗣後城垣隨壞隨修迄今永固焉

坊表

永寧縣志

卷之二

坊表

七

坊表之熠燿今古巨海桑而不替者或褒其忠蓋
或旌其膚功或標其巍科高第穹官崇階均以彰
國恩於萬年也寧之先達燒魚尾而登螭砌翔棘
署而步槐庭紆紫懷黃用豎綽擗以煥天綸後之
人過而景慕興起焉不朽之業寧有陵谷之異哉

進士坊

在四保定溪爲進士張德廣立

解元坊

在縣西七保爲宋周士寧周煥甫立

攀桂坊

在縣治西街爲舉人孟浩立

文魁坊

在縣西七保爲舉人周希浚立

第重光坊 在縣西七保為舉人周宗休立

東山彩鳳坊 在縣治南街為舉人謝容儼立

奕世承恩坊 在縣南七保為舉人劉弁經歷劉政運使劉文立

科貢傳芳坊 在縣東南七保為舉人謝容儼貢士謝謝珍謝寧松謝廷魁謝應奎謝寧祿

立并

三進士坊 在縣花街為舉人周應星周應鰲周原甫立

翰林坊 在四保石陂為永樂舉人陳興立

進士坊 在五保為永樂舉人辛丑科江志昂立

憲節坊 在縣治西街為廣東道御史鄒佑立

永寧縣志

卷之二

坊表

八

三邑循良坊 在縣西街為貢士李貞立

茂巽坊 在縣西街為貢士唐邦榮立

雙鳳坊 在縣西街為貢士羅汝為汝賢立

進士坊 在縣治南街為萬曆辛丑科湖廣道監察御史巡按三秦兩淮監院龍遇奇立

少郡伯坊 在縣治南街為廣東瓊州太守謝秉巽立

義士坊 在二保橋頭為劉騰良立

柱國坊 為唐進士上柱國平陸侯男勅建左立衡郡太守張鑑右立翰林張幼傑

橋梁

九月除道十月成梁載在夏令橋梁之關於政令

非細故也寧地道路沿江非橋莫濟驚濤泛漲更
 易衝圯圯而修修而復圯所時有也邑之人士存
 利濟之心甃石權木臥波如虹與蘓文忠之捐帶
 媲美矣往來行人寧猶望洋裹足嘆浮杯劃扇之
 無術哉

西門橋

在縣西門外三保民陳子良修

江邊橋

在縣城南七保民陳賦敏建其妻謝氏割熟
 粟早田五斗永遠修架

臺江橋

在八保四保民尹初割官山
 下早田五斗為永修之資

永鎮橋

七保城東通衢福善橋在七保溪謝膺詔建存
 田五斗永遠修理

永安縣志

卷之二

橋梁

九

東門橋

在東城外七保民謝旋修

聚奎橋

在四保張印石捐修

積善橋

在一保車頭張永存修

雙溪橋

在二保塘汎通衢
 卷中合團捐修

羅陂橋

在七保羅陂屠民衆修

晉福橋

在七保寨前謝紹晉
 出田二斗永鎮修葺

山背橋

在六保三背尹氏修

旗峰橋

在一保黃夏段大有
 出田二斗永鎮修理

黃井橋

在六保永泰縣額
 銀二兩每年修

巡司前橋

在一保

雙江口橋

在一保張聚漢割
 田五斗永遠修架

永鎮閣橋

在七保嶺東永新地方三保民尹
 初割田永遠修治詳見永鎮閣

礮頭橋

在四保礮頭蕭氏衆修

會通橋 在六保距縣西十里萬曆十年六保田下謝武鼎建

觀瀾橋 在三保大礮水口上鄉飲尹一周鼎修

蟠龍橋 在四保礮江口石坡貢生陳命龍之妻蕭氏玉潔鼎建

砥柱橋 在三保中礮大礮尹簡狄鼎修

禾礮橋 在三保係四保蕭珪璋修

抱印橋 在六保長溪社前謝賜鑰鼎修

聚秀橋 在四保定溪馬面張印石修

六溪橋 在四保柱背飲賓張拔錄修

西眷橋 在九保上坑龍西眷早逝名嗣未遂生員龍顏同弟姪不忍分受遺業捐修此橋以垂不朽

永寧縣志 卷之二 橋梁 十

朽現存田二碩永鎮修理

兔江橋 在八保上坑龍文旦修

黃江渡 康熙年間邑人謝學敏妻吳氏因黃江橋圯廢置渡船以濟行人捐田壹石二斗永遠供

給舟子糧坐本戶

雲津渡

窰裡江渡 原小江一帶居民聯會置渡每年給米乾隆十三年邑士謝惠中又捐田柒斗半以

給舟子糧坐本戶

舖舍

上下傳達寄於置郵走遞有兵居停有舖要於泥

通迅疾無稽時日也寧非衝繁之地設有二舖編以四兵制非不備而往來傳遞常致後時近責之則藉口前舖遠求之則轄非本縣欲無稽遲須費區處矣

縣前舖

舊在縣治前今廢額編舖司一名兵二名在樵樓下停住

七溪舖

舊在縣北十里知縣梁爵既改修山路隨移舖于嶺上更名下馬湖舖今廢額設舖兵一

名在永鎮關停住

儲蓄

理財至詳藏富在民採荒奇策預備在官二者相

永寧縣志

卷之二

儲蓄

十一

為表裏此常平義倉萬古稱良法也寧邑地處上流灘高水淺運於外者難入搬於內者易出其民間蓄積無論乏三年之餘即餘一年者有幾一遇荒歉不束手待斃乎則所藉於在官之儲蓄甚急也時為稽覈不令蠹蝕而存虛額是在當事者之究心矣

預備倉

在儀門右上今廢

存恤

政先無告澤及枯骨乃聖王之至仁抑先代之善

制養濟有院普濟育嬰有堂富家好義倡先出粟以給老疾恩施於見聞之中澤溢於常法之外誠邑之盛舉也使授任有方嚴絕侵漁庶野無鴻鵠塗鮮鳩形無失所之嘆矣

養濟院

在縣北門外正屋一間東西廂房各二間墻門一座周圍繚以墻垣現收養孤貧八名口

漏澤園

在禾樹山距縣西北一里又在禾樹山距縣東南一里

普濟堂育嬰堂

二堂俱在北門外

普濟育嬰二堂共早晚田九石零三升五合共糧四石一斗零三合一勺早晚租共六十九担三桶

永寧縣志

卷之二

存恤

十二

內小桶九桶每年應納糧銀三兩五錢八分四釐六毫粟